

COMUNICATO n. 3562 del 17/12/2024

Traduzione in ladino

Nasc la sociazion “Articolo 6”: na rei neva per la mendranzes linguistiches a livel nazionèl

[Ladino] A Roma, te la Sala del Istitut de Sènta Maria te l'Aquiro, l'é stat prejentà ofizialmenter a la prejenza de desvalives esponenc de la desvaliva realtèdes locales, la neva Sociazion “Articolo 6”, ispirèda al articol 6 de la Costituzion talièna, che vel stravardèr la mendranzes linguistiches trèes na rei inclusiv a dedichèda a portèr inant l dialogh e la colaborazion anter la comunanzes linguistiches che l'é sul tegnir nazionèl. L convegno metù a jir per endrez de la senatora Elena Testor e patrozinà da l'ANCI (La Sociazione Nazionèla di Comuns Taliegn) l'é stat n moment n muie emportant per fèr na valutazion sui resultac arjonc de gra a la Lege 482/99.

“Chesta normativa, aproèda acà 25 egn, l'à segnà n passaje storich per l recognosciment e l stravardament de la 12 mendranzes linguistiches che l'é sul tegnir talian, portan strumenc concrec per la valorisazion de n patrimoniè culturèl unich – l'à dit l assessor regionèl a la mendranzes linguistiches Luca Guglielmi - Noscia Region l'é n model da esportèr tel ciamp del stravardament de la mendranzes linguistiches.

L augurie l'é che duta l'otra realtèdes les posse emparèr dut chel che aon fat e fazon te chisc egn percheche chest patrimoniè culturèl l posse seghitèr a viver e no a soraviver”.

Chesta neva realtà vel esser n pènt anter istituzions e sociaziions locales, col ge recognoscer n post fondamentèl a duc chi che se dèsc ju per l stravardament di lengac de mendranza – l'à dit te sie intervent la diretora del Istitut Cultural Ladin »Majon di Fascegn« Sabrina Rasom – la Sociazion la se met dant de renforzèr la cooperazion anter la comunanzes linguistiches, portèr inant projec culturèl e educatives per la valorisazion di lengac de mendranza e sostegnir scomenzadives inovatives che tol ite ence tecnologies digitèles e de la tradizion linguistica.

Cree che sie na gran ocazion percheche nosc teritorie l'à la fortuna de aer strumenc che i è de utol per stravardèr la desvalivanza linguistica – l'à jontà ite la Rasom – e l'é noscia responsabilità conspartir noscia esperienza vardan de didèr chela mendranzes sul tegnir talian che no à noscia medema fortuna”.

Chesta sociazion la é emportanta percheche la ge dèsc na spenta al coordinament de duta la mendranzes linguistiches taliènes – l'à sottrissà Tore Cubeddo diretor Eجاتv Cagliari – e la sporc l'ocasion de fèr n nef percors dessema e più pervalif te la azions da meter a jir sul teritorie”.

La nasciuda de la Sociazion Articol 6 l'é n vèrech emportant envers na maor sensibilisazion e empegn coletif per l patrimoniè linguistich talian – l'à sottrissà Leo Virgili, President de la Sociazion Innio e promotor del SUNS Europe – Te n contest olache i lengac de mendranza risia de vegnir desmentié, la sociazion la vel aer n ruol atif tel ge garantir la trasmiscion a la generaziions del davegnir.

(Ofize stampa Region Autonoma Trentin-Südtirol)

Traduzion di Servijes Linguistics e Culturèl del Comun general de Fascia

(cdt)

